

**MONITORING RADA
VLADE HERCEGOVAČKO –
NERETVANSKOOG KANTONA**

UVOD

Predizborni izvještaj o monitoringu rada Vlade HNK daje presjek rezultata rada ove institucije od dana konstituisanja pa do 01.09.2010. godine.

Ovaj izvještaj je još jedan u nizu rezultata nastojanja Centara civilnih inicijativa da kontinuiranim praćenjem i periodičnim izvještavanjem, javnosti omogući uvid u rad institucija vlasti i iste učini odgovornijim u obavljanju svojih obveza.

Predizborni izvještaj o monitoringu rada Vlade HNK fokusiran je na analiziranje rada Vlade kao tijela, ali i pojedinačnog učinka i odgovornosti svakog od ministara za razdoblje od 01.08.2007. – 01.09.2010. kako bismo dali potpunu sliku o postignutim uspjesima i propustima u radu najvišeg izvršnog tijela u HNK.

Pri kreiranju izvješća, kao parametri, uzeti su: „Analiza 12 građanskih problema“ sažeta u dokumentu Građanska platforma, Program rada, zapisnici i drugi materijali sa održanih sjednica Skupštine, te CCI-eva izvješća o monitoringu iz prethodnih perioda.

PODSJEĆANJE

Situacija u kojoj se trenutno nalaze građani HNK daleko je od obećavane projekcije stvari kakvu smo slušali na početku mandata.

Tokom cijelog mandata vlast se ponašala krajnje neodgovorno kada su u pitanju rješavanja ključnih pitanja u kantonalnoj nadležnosti kao što su ekonomija, zdravstvo, socijala, reforma obrazovanja, zapošljavanje itd.

Prema podacima Službe za zapošljavanje HNK ukupno 29.447 osoba u Hercegovačko-neretvanskom kantonu (HNK) je bez posla.

Time je još jednom potvrđeno kako nema nikakvog napretka kada je u pitanju smanjivanje katastrofalne stope nezaposlenosti na ovom području, pa čak ni u predizborno vrijeme, kada se očekuje da će nadležni, ako već ne za dobrobit građana, onda, po starom običaju, zbog svojih interesa, otvoriti koje novo radno mjesto. Međutim, pokazuje se kako nema ništa ni od toga.

Najviše nezaposlenih osoba u HNK ima na području grada Mostara gdje je Služba za zapošljavanje registrirala ukupno 14.590 osoba. To znači da pola nezaposlenih u Hercegovačko-neretvanskom kantonu (HNK) otpada upravo na njen glavni grad, koji je poslovno središte cijele Hercegovine.

Opravdanje stručnjaka za takvo što uvijek je banalna činjenica da je Mostar najmnogoljudniji grad u Hercegovini. No, takvo opravdanje već dugo vrijeme "ne pije vodu". Činjenica da se radna mjesta ne otvaraju ni u predizborno vrijeme dokazuje da nije u pitanju volja nadležnih, nego da jednostavno nemaju snage, niti znaju kako napraviti pozitivnu promjenu.

Statistički podaci nadalje pokazuju kako je krajem maja zdravstvenu zaštitu preko Službe za zapošljavanje HNK zatražilo ukupno 18.558 nezaposlenih osoba. To znači da na svakih pet osoba koje su evidentirane, tri su istovremeno korisnici i zdravstvene zaštite.

Vladajući su svoj zajednički interes nalazili isključivo u raspodjeli novca i pozicija. Dodatno deprimira činjenica da ne postoji koordinacija između stranaka koje čine skupštinsku većinu i koje imaju predstavnike u izvršnoj vlasti. Ako zastupnici u Skupštini tvrde da su protiv budžeta za koji su glasali njihovi ministri to nije dobar signal. Nije to demokratizacija nego pokazatelj da nešto ne funkcioniše i da se pod hitno mora rješavati.

Ipak, stanje u Kantonu nije finansijski katastrofalno kako ga vlast predstavlja, radi se o tome da se višegodišnja finansijska nedisciplina pokazana kroz formiranje novih ministarstava, rastrošnost vlasti kada su pitanju materijalna prava (automobili, mobiteli, gorivo), plate izvršne i zakonodavne vlasti prevršile su svaku mjeru, što je dovelo do napregnosti budžeta.

Pored niza drugih propusta vlast HNK nije imala ozbiljan pristup spram instrumenata koji pune prihodovnu stranu budžeta kao što je oblast koncesija jer u tom dijelu kantonalni budžet gubi milionske iznose.

OSNOVNE INFORMACIJE O RADU VLADE HNK U 2010. GODINI

U proteklih osam mjeseci Vlada HNK imala je 13 sjednica (10 redovnih i 3 vanredne), stim da je većina sjednica održana u više nastavaka što je broj zasijedanja ove institucije povećalo na 26. Iz zapisnika sa održanih sjednica nije moguće vidjeti zbog čega je dolazilo do prekida sjednica i zašto su određene sjednice održavane u više nastavaka.

Rad Vlade HNK vrlo je teško pratiti i kontinuirani imati informaciju o aktivnostima iste jer Vlada HNK je jedna od rijetkih, da ne kažemo jedinih u BiH, koja ne dopušta da CCI prisustvuje sjednicama. Pratiti rad Vlade putem službene web stranice ove institucije također je nemoguće jer službena web stranica ne pruža niti osnovne informacije o svim održanim sjednicama. Na istoj nema dnevnih redova sjednica, većem broju sjednica nedostaje najava sjednice kao i priopćenja da je sjednica uopće održana.

Još jedna metoda praćenja su zapisnici sa održanih sjednica ali ni to u HNK nije blagovremeno. Konkretno sada Vlada HNK je počela 58. sjednicu a posljednji usvojeni zapisnik je sa 53. sjednice Vlade završene 25.05.2010. godine!

Na 13 održanih sjednica Vlada HNK razmatrala je 293 točke dnevnog reda.

Usvajanje Budžeta HNK ponovo je kasnilo pa je mimo svih zakonskih rokova Budžet HNK za 2010. godinu od strane Vlade usvojen 20.04.2010. godine na drugom nastavku 51. sjednice Vlade HNK.

Za proteklih osam mjeseci Vlada HNK je usvojila samo 3 zakona u formi prijedloga i u proceduru uvela još 9 zakona, odnosno iste utvrdila u formi nacrtu.

U nastavku je prikazan pregled usvojenih i utvrđenih zakona u Vladi HNK/Ž do 01.09.2010.godine.

Usvojeni zakoni

Zakoni koje je usvojila Vlada HNK/Ž u 2010. godini
Zakon o izvršenju proračuna HNK za 2010. godinu
Zakon o rudarstvu
Zakon o geološkim istraživanjima

Zakoni u proceduri

Zakoni koje je Vlada HNK utvrdila u formi nacрта
Zakon o izmjenama i dopunama Zakona o upravnim pristojbama s tarifom
Zakon o lokalnoj samoupravi
Zakon o ugostiteljskoj djelatnosti
Zakon o turističkoj djelatnosti
Zakon o fondu za zaštitu okoliša
Zakon o izmjenama i dopunama Zakona o zaštiti okoliša
Zakon o Županijskom zavodu za pravnu pomoć
Zakon o dopunskim pravima branitelja i članova njihovih obitelji
Zakon o viskom obrazovanju u HNK

Tempo zakonodavnih aktivnosti odgovara ukupnoj dinamici rada Vlade, pa tako četiri od osam mjeseci (januar, februar, mart, maj i avgust) Vlada HNK nije razmatrala niti jedan zakon. Ovakvi rezultati rada u zakonodavnoj oblasti govore da ministri u Vladi HNK očito smatraju je situacija u Kantonu takva da nije potrebno zakonski regulisati i poboljšati oblasti za koje su nadležni. No, istina je sasvim drugačija. Građani u HNK čekaju na donošenje Zakona o zaštiti obitelji s djecom; Zakona o socijalnoj skrbi; Zakona o posredovanju i socijalnoj sigurnosti nezaposlenih osoba u HNK, Zakona o zdravstvenoj zaštiti i još niz drugih zakonskih rješenja koji bi bar djelomično riješili ključne probleme građana ovog kantona.

Kada je riječ o efikasnosti Vlade HNK tri godine nakon parlamentarnih izbora, po pitanju broja realiziranih zakona, Vlada HNK je imala kontinuirano loše rezultate 2007. godina 2 zakona stim da je Vlada HNK formirana tek 01.08.2007. godine, 2008. godina 20 zakona, 2009. godina 15 zakona a za 8 mjeseci 2010. godine Vlada HNK razmatrala je samo 12 zakona!

Vođena već ustaljenom praksom Vlada HNK ni u ovoj godini nije blagovremeno kreirala i Skupštini na usvajanje dostavila vlastiti Program rada čime je nastavila dezorjentirano i stihijsko djelovanje kao i kontinuirano kršenje vlastitog Poslovnika o radu.


Program rada Vlade HNK za 2010. godinu od strane Skupštine usvojen je 21.07.2010. godine.

Od 205 zakonskih, podzakonskih i informativno–analitičkih akta, planiranih Programom Vlade za 2010. godinu Vlada HNK/Ž je zaključno sa 01.09.2010. godine na svojim zasjedanjima razmatrala tek 72 akta, čime je svoj godišnji plan realizirala u procentu od 35%. Ministri su sami kreirali svoje Programe rada pa se postavlja opravdano pitanje da li su isti urađeni samo da bi se zadovoljila forma ili je pak postojala namjera da se ti planovi i realiziraju.

Programom rada Vlada HNK planirala je utvrditi i Skupštini na usvajanje ponuditi 32 zakona. Zaključno sa 01.09.2010. godine Vlada je od planirana 32 zakona utvrdila 3 zakona u formi prijedloga i još 9 zakona je uvela u proceduru odnosno iste utvrdila u formi nacрта. Drugim riječima, od 32 planirana zakona samo 3 zakona ili 9% istih je u potpunosti realizirano.

PREGLED REZULTATA U KOMPLETNOM MANDATU


Vlada Županije Hercegovačko – neretvanske formirana je 01.08.2007. godine a u radu iste sudjeluje premijer i 11 ministara iz sljedećih stranaka SBiH, SDA, SNSD, HDZ 1990 i HSP.



Dijagram 1: Pregled političkih stranaka koje participiraju u Vladi HNK prema izbornim rezultatima iz 2006. godine

Od dana formiranja pa do 01.09.2010. godine održala je 78 sjednica i razmatrala 1227 točaka dnevnog reda. Poređenja radi Vlada Zeničko – dobojskog kantona je samo u jednoj (2009.) godini održala 62 sjednice i realizirala 1424 točke dnevnog reda.

Pregled broja održanih sjednica i realiziranih točaka dnevnog reda u 2007., 2008., 2009 i 2010. godini pokazuje da se radi o katastrofalnom nivou efikasnosti i posvećenosti radu Vlade HNK. Ovakvim radom izabranih predstavnika teško je bilo očekivati bilo kakav pozitivan pomak.



Dijagram 2: Rad Vlade HNK u 2007., 2008., 2009. i 2010. Godine


Poražavajuće mali broj održanih sjednica i razmatranih točaka dnevnog reda, na žalost, nisu jedine manjkavosti u radu aktualne Vlade HNK.

Kada je upitanju usvajanje Programa rada Vlada HNK je samo 2007. godine blagovremeno usvojila Program rada za narednu 2008. godinu, sve ostale godine kontinuirano je kršila vlasiti Poslovnik o radu a da niti jednom nije snosila odgovornost ili sankcije zbog istog. Program rada za 2009. godinu Vlada HNK utvrdila je u mjesecu junu 2009. godine. Šest mjeseci kasnije, odnosno na kraju 2009. godine isti nije razmatran niti usvojen od strane Skupštine HNK.

Program rada Vlade HNK za 2010. godinu od strane Vlade HNK usvojen je u prvom dijelu 2010. godine, a od strane Skupštine HNK krajem mjeseca jula.

Pored kasnog usvajanja Programa rada Vlada HNK je imala kontinuirano loše rezultate i u realizaciji isti.

Dijagram u nastavku prikazuje procenat realizacije programa rada za sve godine aktuelnog saziva Vlade HNK.




Dijagram 3: Realizacija Programa rada od početka mandata pa do 01.09.2010. god

Još jedan u nizu loših rezultata rada Vlade HNK je vrijeme usvajanja Budžeta. Naime, niti jednu godinu u cijelom mandatu Vlada HNK kantonalni budžet nije usvojila do kraja tekuće godine za narednu već je to bilo kontinuirano kršenje Zakona o budžetu FBiH.

U tabeli koja slijedi prikazano je vrijeme usvajanja Budžeta HNK od strane Vlade od početka mandata pa do 01.09.2010. godine.

Budžet HNK	Vrijeme usvajanja
Budžet HNK za 2008. Godinu	04.04.2008.
Budžet HNK za 2009. Godinu	31.03.2009.
Budžet HNK za 2010. Godinu	20.04.2010.

ANALIZA RADA PO MINISTARSTVIMA VLADE HNK/Ž


	IME I PREZIME	SREĆKO BORAS
	STRANKA	HDZ 1990
	FUNKCIJA	PREDSJEDNIK VLADE
	MJESEČNA NETO PRIMANJA	3.360,00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 107.520,00 KM
	BROJ OSVOJENIH GLASOVA NA OPĆIM IZBORIMA 2006. GODINE	3.196

Propusta u radu Vlade, koju vodi Premijer Boras od početka mandata pa sve do sada nije manjkalo. Od početka mandata pa do sada Vlada HNK počinje i veći dio godine radi bez Programa rada.

Također, treću godinu zaredom Vlada HNK kasni u kreiranju Budžeta pa se isti umjesto do kraja tekuće godine za narednu kalendarsku godinu obično usvaja u zadnjem trenutku, što se dalje reflektuje u kršenju zakonskih rokova, neefikasnosti Skupštine i sl.

Za predstojeće opće izbore aktuelni premijera Boras ponovo se kandidirao i nosioc je liste Hrvatske koalicije HDZ 1990 – HSP za Pralament FBiH.

MINISTARSTVO UNUTARNJIH POSLOVA


MINISTARSTVO UNUTARNJIH POSLOVA		
	IME I PREZIME	ZORAN KREŠIĆ
	STRANKA	HDZ 1990
	POZICIJA U VLADI	MINISTAR UNUTARNJIH POSLOVA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	NIJE SE KANDIDIRAO

Prosječna realizacija Programa rada Ministarstva unutarnjih poslova HNK od početka mandata pa do 01.09.2010. godine iznosi 66%. Prosječna realizacija planiranih zakona nešto je manja i iznosi 60% ukupno planiranih zakona za 2008, 2009, i 2010, godinu.

U 2008. godini ministra Krešić je planirao a nije realizirao 4 zakona i to:

1. Zakon o izmjenama i dopunama Zakona o javnom redu i miru
2. Zakon o izmjenama i dopunama Zakona o sprječavanju nereda na sportskim natjecanjima u HNK/Ž
3. Zakon o izmjenama i dopunama Zakona o eksplozivnim tvarima za gospodarsku uporabu
4. Zakon o izmjenama i dopunama Zakona o zaštiti od požara

Sva četiri planirana a ne realizirana zakona iz Programa rada za 2008. godinu našla su se u programu rada za 2009. godinu kada su i realizirani. U 2009. godini ministru Krešiću ostao je jedan nerealiziran zakon i to Zakon o izmjenama i dopunama Zakona o unutarnjim poslovima HNK koji se ponovo našao u programu rada za 2010. i zaključno sa 01.09.2010. godine nije realiziran.




Dijagram 4: Realizacija Programa rada Ministarstva unutarnjih poslova od početka mandata pa do 01.09.2010. god

Za predstojeće izbore aktelni Ministar unutarnjih poslova kandidat je HDZ 1990 za Skupštinu HNK.

MINISTARSTVO FINANCIJA HNK/Ž

MINISTARSTVO FINANCIJA		
	IME I PREZIME	MR. SEMIN BORIĆ
	STRANKA	SDA
	POZICIJA U VLADI	MINISTAR FINANCIJA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	1.614
	BROJ UPOSLENIH U MINISTARSTVU	45


Prosječna realizacija Programa rada Ministarstva financija HNK kojim rukovodi ministar semin Borić od početka mandata pa do 01.09.2010. godine iznosi 63%. Prosječna realizacija planiranih zakona nešto je veća i iznosi 65% ukupno planiranih zakona za 2008, 2009, i 2010, godinu.



Dijagram 5: Realizacija Programa rada Ministarstva financija od početka mandata pa do 01.09.2010. god

Za predstojeće izbore aktelni Ministar finansija kandidat je SDA za Skupštinu HNK.

MINISTARSTVO PRAVOSUĐA, UPRAVE I LOKALNE SAMOUPRAVE

MINISTARSTVO PRAVOSUĐA, UPRAVE I LOKLANE SAMOUPRAVE		
	IME I PREZIME	MUMIN ISIĆ
	STRANKA	SDA
	POZICIJA U VLADI	MINISTAR PRAVOSUĐA I UPRAVE
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	NIJE SE KANDIDIRAO
	BROJ UPOSLENIH U MINISTARSTVU	19


Prosječna realizacija Programa rada Ministarstva pravosuđa, uprave i lokalne samouprave HNK od početka mandata pa do 01.09.2010. godine iznosi 35%. Prosječna realizacija planiranih zakona znatno je veća i iznosi 54% ukupno planiranih zakona za 2008, 2009, i 2010. godinu.

U 2008. godini ovo ministarstvo Vladi na usvajanje ponudilo je tri zakona iz programa rada i jedan zakon koji nije bio planiran programom rada čime je realizirano samo 38% planiranih zakona.

Ministarstvo nije kreiralo 5 zakona i to:

1. Nacrt Zakona o županijskoj upravi (rok: svibanj 2008)
2. Nacrt Zakona o lokalnoj samoupravi HNŽ (rok: lipanj 2008)
3. Nacrt Zakona o izmjenama i dopunama Zakona o administrativnim pristojbama s tarifom u HNŽ (rok:rujan 2008)
4. Nacrt Zakona o pečatima Županija (rok: ožujak 2008)
5. Nacrt amandmana na Ustav Županije zajedno sa Povjerenstvom Skupštine za ustavno – pravna pitanja (rok: srpanj 2008)

Programom rada za 2009. godinu Ministarstvo pravosuđa, uprave i lokalne samouprave planiralo je izraditi 8 zakona od kojih su 3 zakona prenesena iz 2008. godine koji ni u 2009. godini nisu realizirani (Nacrt Zakona o lokalnoj samoupravi HNŽ; Nacrt Zakona o izmjenama i dopunama Zakona o administrativnim pristojbama s tarifom u HNŽ i Nacrt



Dijagram 6: Realizacija Programa rada Ministarstva pravosuđa, uprave i lokalne samouprave od početka mandata pa do 01.09.2010. god

Za predstojeće izbore aktelni Ministar pravosuđa, uprave i lokalne samouprave nije se kandidirao.


MINISTARSTVO GOSPODARSTVA

MINISTARSTVO GOSPODARSTVA		
	IME I PREZIME	ESAD HUMO
	STRANKA	S BIH
	POZICIJA U VLADI	MINISTAR GOSPODARSTVA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	NIJE SE KANDIDIRAO
	BROJ UPOSLENIH U MINISTARSTVU	20

Prosječna realizacija Programa rada Ministarstva gospodarstva HNK od početka mandata pa do 01.09.2010. godine iznosi 33%. Prosječna realizacija planiranih zakona nešto je veća i iznosi 35% ukupno planiranih zakona za 2008, 2009, i 2010. godinu.

U 2008. godini ministar Esad Humo (S BiH), nije realizirao 4 od 7 planiranih zakona (Zakon o inspekciji posuda pod tlakom, Zakon o geološkim istraživanjima, Zakon o rudarstvu, Zakon o izmjenama i dopunama Zakona o koncesijama). Ni u 2009. godini ministar Humo nije realizirao niti 1 od 4 zakona iz 2008. godine, a u Programu rada za 2009. godinu nije planirana izrada dva zakona iz prošlogodišnjeg plana (Zakon o inspekciji posuda pod tlakom i Zakon o izmjenama i dopunama Zakona o koncesijama).


Programom rada za 2010. godinu ministar Humo planirao je izradu 5 zakona od čega su 3 zakona zakon koji su bili planirani još u programu rada ovog ministarstva za 2008. godinu (Zakon o geološkim istraživanjima, Zakon o rudarstvu, Zakon o izmjenama i dopunama Zakona o koncesijama). Zaključno sa 01.09.2010. godine ministra Humo realizirao je 2 zakona i to Zakon o geološkim istraživanjima i Zakon o rudarstvu HNK.



Dijagram 7: Realizacija Programa rada Ministarstva gospodarstva od početka mandata pa do 01.09.2010. god

Za predstojeće izbore aktelni Ministar gospodarstva nosioc je liste SBiH za Parlament FBiH.


MINISTARSTVO GRADITELJSTVA I PROSTORNOG UREĐENJA

MINISTARSTVO GRADITELJSTVA I PROSTORNOG UREĐENJA		
	IME I PREZIME	RUSMIR ČIŠIĆ
	STRANKA	S BIH
	POZICIJA U VLADI	MINISTAR GRADITELJSTVA I PROSTORNOG UREĐENJA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	NIJE SE KANDIDIRAO
	BROJ UPOSLENIH U MINISTARSTVU	42

Prosječna realizacija Programa rada Ministarstva graditeljstva i prostornog uređenja HNK od početka mandata pa do 01.09.2010. godine iznosi 33%. Prosječna realizacija planiranih zakona je znatno manja i iznosi 19% ukupno planiranih zakona za 2008, 2009, i 2010. godinu.

U Programu rada ovog ministarstva za 2009. godinu sva tri planirana zakona su preneseni zakoni iz Programa rada za 2008. godinu koji u 2008. godini nisu realizirani (Zakon o gradnji, Zakon o izmjenama i dopunama Zakona o prostornom uređenju i građenju, Zakon o grobljima). U 2009. godini Zakon o grobljima ušao je u Skupštinsku proceduru dok su dva preostala zakona i u ovoj godini ostala nerealizirana.


Kreirajući Programom rada za 2010. godinu ministar Čišić ponovo je prepisao nerealizirane zakona iz 2008. i 2009. godine (Zakon o gradnji, Zakon o izmjenama i dopunama Zakona o prostornom uređenju i građenju, Zakon o grobljima) koji zaključno sa 01.09.2010. godine i dalje nisu realizirani.



Dijagram 8: Realizacija Programa rada Ministarstva graditeljstva i prostornog uređenja od početka mandata pa do 01.09.2010. god

Za predstojeće izbore aktelni Ministar graditeljstva i prostornog uređenja nije se kandidirao.


MINISTARSTVO PROSVJETE, ZNANOSTI, KULTURE I ŠPORTA

MINISTARSTVO PROSVJETE, ZNANOSTI, KULTURE I ŠPORTA		
	IME I PREZIME	ESAD DŽELILOVIĆ
	STRANKA	SDA
	POZICIJA U VLADI	MINISTAR PROSVJETE, ZNANOSTI, KULTURE I ŠPORTA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	1.816
	BROJ UPOSLENIH U MINISTARSTVU	28

Prosječna realizacija Programa rada Ministarstva prosvjete, znanosti, kulture i sporta HNK od početka mandata pa do 01.09.2010. godine iznosi 60%. Prosječna realizacija planiranih zakona je nešto manja i iznosi 46% ukupno planiranih zakona za 2008, 2009, i 2010. godinu.

Akcentirajući zakone, u 2008. godini bila je planirana izrada 3 zakona. Zaključno sa 31.12.2008. ministar Dželić je kreirao dva zakona i to Nacrt zakona o predškolskom odgoju i obrazovanju koji je u formi nacrta prihvaćen u Skupštini HNK/Ž. Drugi kreirani zakon je Nacrt zakona o visokom obrazovanju koji je Vlada HNK/Ž utvrdila 24.07. 2008. godine ali do kraja 2008. godine ovaj zakon nije razmatran u Skupštini HNK/Ž.


Nacrt zakona o visokom obrazovanju Skupština HNK prihvatila je tek 2010. godine dok Zakon o predškolskom odgoju još uvijek u formi prijedloga nije razmatran u Skupštini HNK.



Dijagram 9: Realizacija Programa rada Ministarstva prosvjete, znanosti, kulture i sporta od početka mandata pa do 01.09.2010. god

Za predstojeće izbore aktelni Ministar prosvjete, znanosti, kulture i sporta HNK nije se kandidirao.

MINISTARSTVO ZDRAVSTVA, RADA I SOCIJALNE SKRBI

MINISTARSTVO ZDRAVSTVA, RADA I SOCIJALNE SKRBI		
	IME I PREZIME	LUKA FALETAR
	STRANKA	HDZ 1990
	POZICIJA U VLADI	MINISTAR ZDRAVSTVA, RADA I SOCIJALNE SKRBI
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	NIJE SE KANDIDIRAO
	BROJ UPOSLENIH U MINISTARSTVU	28


Prosječna realizacija Programa rada Ministarstva zdravstva, rada i socijalne skrbi HNK od početka mandata pa do 01.09.2010. godine iznosi 43%. Prosječna realizacija planiranih zakona je katastrofalna i iznosi 0% ukupno planiranih zakona za 2008, 2009, i 2010. godinu.

Zakoni koje je ministar Faletar trebao uraditi i ponuditi Vladi i Skupštini na usvajanje u 2008. godini su:

1. Prijedlog Zakona o izmjenama i dopunama Zakona o socijalnoj skrbi u HNK/Ž
2. Zakon o zaštiti obitelji s djecom
3. Zakon o posredovanju u upošljavanju i socijalnoj sigurnosti neuposlenih osoba u HNK/Ž
4. Zakon o zdravstvenom osiguranju
5. Zakon o zdravstvenoj zaštiti

U Programu rada ovog ministarstva za 2009. godinu od pet planiranih zakona četiri zakona su preneseni zakoni iz Programa rada za 2008. godinu i isti nisu realizirani ni u 2009. godini (Zakon o izmjenama i dopunama Zakona o socijalnoj skrbi u HNK; Zakon o zaštiti obitelji s djecom; Zakon o posredovanju u upošljavanju i socijalnoj sigurnosti neuposlenih osoba u HNK/Ž; Zakon o zdravstvenoj zaštiti) .


Program rada za 2010. godinu ponovo je planirana izrada Zakona o izmjenama i dopunama Zakona o socijalnoj skrbi u HNK; Zakon o zaštiti obitelji s djecom; Zakon o posredovanju u upošljavanju i socijalnoj sigurnosti neuposlenih osoba u HNK/Ž te Zakon o radu. Tri zakona prenesena su iz programa rada za 2008. godinu i jedan iz Programa za 2009. godinu, a zaključno sa 01.09.2010. godine niti jedan od ovih zakona nije realiziran. Ako postoje problemi u realizaciji ovih zakona ministar Faletar bi, ako ništa drugo, trebao građanima ovog kantoma pojasniti zbog čega zakoni još nisu realizirani. Nako višegodišnjeg čekanja čekanja to je najmanje što može učiniti.



Dijagram 10: Realizacija Programa rada Ministarstva zdravstva, rada i socijalne skrbi od početka mandata pa do 01.09.2010. god

Za predstojeće izbore aktelni Ministar zdravstva, rada i socijalne skrbi kandidat je stranke HDZ 1990 za Skupštinu HNK.

MINISTARSTVO ZA PITANJA BRANITELJA


MINISTARSTVO ZA PITANJA BRANITELJA		
	IME I PREZIME	ALBERT ŠUNJIĆ
	STRANKA	HSP ĐAPIĆ DR. JURIŠIĆ
	POZICIJA U VLADI	MINISTAR ZA PITANJA BRANITELJA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	610
	BROJ UPOSLENIH U MINISTARSTVU	30

Prosječna realizacija Programa rada Ministarstva za pitanja branitelja HNK od početka mandata pa do 01.09.2010. godine iznosi 51%.

Kada je upitanju realizacija planiranih zakona onda je tu situacija malo kolpiciranija. Naime sve tri godine mandata u Ministarstvu za pitanja branitelja spominje se i kreira samo jedan zakon i to Zakon o dopunskim pravima branitelja i članova njihovih obitelji.

Naime ovaj zakon bio je planiran u programu rada ovog ministarstva za 2008. godinu. U 2008. godini ovaj zakon Vlada HNK/Ž utvrdila je u formi prijedloga i kao takav upućen je u skupštinsku proceduru. Kako su zastupnici imali niz pitanja i prijedloga na predloženi tekst zakona u Skupštini HNK/Ž zakon je usvojen u formi nacрта. Ministru Šunjiću preostalo da analizira sve date mu preporuke i Skupštini dostavi dorađeni tekst zakona kako bi se isti usvojio i u formi prijedloga.

U 2009. godini ovaj zakon nije niti spomenut bez obzira šta je bio planiran i Programom rada ovog ministarstva za 2009. godinu da bi se isti ovaj zakon ponovo našao u Programu rada za 2010. godinu i isiti je usvojen od strane Vlade HNK u formi nacрта i upućen u daljnu Skupštinsku proceduru.



Dijagram 11: Realizacija Programa rada Ministarstva za pitanja branitelja od početka mandata pa do 01.09.2010. god

Za predstojeće izbore aktelni Ministar za pitanja branitelja kandidat je stranke HSP BiH za Skupštinu HNK.


MINISTARSTVO PROMETA I VEZA

MINISTARSTVO PROMETA I VEZA		
	IME I PREZIME	BORIS BABIĆ
	STRANKA	SNSD
	POZICIJA U VLADI	MINISTAR PROMETA I VEZA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	87
	BROJ UPOSLENIH U MINISTARSTVU	24

Prosječna realizacija Programa rada Ministarstva prometa i veza HNK od početka mandata pa do 01.09.2010. godine iznosi 38%. Prosječna realizacija planiranih zakona je katastrofalna i iznosi 0% ukupno planiranih zakona za 2008, 2009, i 2010. godinu.

Programom rada za 2008. godinu ministar Babić je bio planirao izradu Zakona o označavanju županije, gradova, općina koji u 2008. godini nije realiziran niti je predviđen programom rada za 2009. godinu.


U programu rada za 2010. godinu ponovo se nije našao Zakon o označavanju županije, gradova, općina ali je planiran Zakon o cestama HNK koji do 01.09.2010. godine nije realiziran.



Dijagram 12: Realizacija Programa rada Ministarstva prometa i veza od početka mandata pa do 01.09.2010. god

Za predstojeće izbore aktelni Ministar prometa i veza kandidat je stranke HDZ 1990 za Skupštinu HNK.

MINISTARSTVO POLJOPRIVREDE, ŠUMARSTVA I VODOPRIVREDE


MINISTARSTVO POLJOPRIVREDE, ŠUMARSTVA I VODOPRIVREDE		
	IME I PREZIME	VESNA PINJUH
	STRANKA	HSP
	POZICIJA U VLADI	MINISTRICA POLJOPRIVREDE, ŠUMARSTVA I VODOPRIVREDE
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	NIJE SE KANDIDIRALA
	BROJ UPOSLENIH U MINISTARSTVU	39

Prosječna realizacija Programa rada Ministarstva poljoprivrede, šumarstva i vodoprivrede HNK od početka mandata pa do 01.09.2010. godine iznosi 34%. Prosječna realizacija planiranih zakona je poražavajuća i iznosi 0% ukupno planiranih zakona za 2008, 2009, i 2010. godinu.

Programom rada za 2009. godinu ministrica Vesna Pinjuh nije planirala izradu niti jednog zakona.


Podsjećanja radi, jedini zakon koji je bio Programom rada Ministarstva poljoprivrede, šumarstva i vodoprivrede predviđen za izradu u 2008. godini je Zakon o prijenosu ovlasti iz oblasti veterinarstva na općinsku inspekciju. Ovaj zakon niti je realiziran do kraja 2008. godine a niti je predviđen programom rada za 2009. godinu.

Programom rada za 2010. godinu planirana je izrada dva zakona i to Zakona vodama i Zakona o novčanoj potpori u poljoprivredi ali niti jedan od ta dva zakona nije realiziran do 01.09.2010. godine.



Za predstojeće izbore aktelna Ministrica poljoprivrede, šumarstva i vodoprivrede kandidat je stranke HDZ BiH za Parlament BiH.

MINISTARSTVO TRGOVINE, TURIZMA I ZAŠTITE OKOLIŠA

MINISTARSTVO TRGOVINE, TURIZMA I ZAŠTITE OKOLIŠA		
	IME I PREZIME	SAMIR SUNAGIĆ
	STRANKA	S BIH
	POZICIJA U VLADI	MINISTAR TRGOVINE, TURIZMA I ZAŠTITE OKOLIŠA
	MJESEČNA NETO PRIMANJA	3.048, 00 KM
	UKUPNA PRIMANJA OD POČETKA MANDATA PA DO 01.09.2010. GOD.	cca 97.536 KM
	BROJ OSVOJENIH GLASOVA NA OPŠTIM IZBORIMA 2006. GODINE	987
	BROJ UPOSLENIH U MINISTARSTVU	33

Prosječna realizacija Programa rada Ministarstva trgovine, turizma i zaštite okoliša HNK od početka mandata pa do 01.09.2010. godine iznosi 24%. Prosječna realizacija planiranih zakona je poražavajuća i iznosi 19% ukupno planiranih zakona za 2008, 2009, i 2010. godinu.


Podsjećanja radi, Programom rada za 2008. godinu ministar Sunagić planirao je izradu 3 zakona i to:

1. Zakon o izmjenama i dopunama Zakona o turističkoj djelatnosti
2. Zakon o izmjenama i dopunama Zakona o ugostiteljskoj djelatnosti
3. Zakon o izmjenama i dopunama Zakona o turističkim zajednicama i unaprjeđenju turizma u HNŽ

Niti jedan od 3 planirana zakona nisu realizovani u 2008. godini, niti u 2009. godini.

Programom rada za 2010. godinu ministar Sunagić planirao je izradu 6 zakona od kojih su dva zakona iz 2008. godine (Zakon o turističkoj djelatnosti i Zakon o ugostiteljskoj djelatnosti) koji su konačni i realizirani. Pored 2 zakona iz 2008. godine ministra je planirao izradu još 4 zakona.


Zaključno sa 01.09.2010. godine Ministar Sunagić kreirao je i valdi na usvajanje ponudi ukupno 4 od 6 planiranih zakona.



Dijagram 14: Realizacija Programa rada Ministarstva trgovine, turizma i zaštite okoliša od početka mandata pa do 01.09.2010. god

Za predstojeće izbore aktelni Ministar trgovine, turizma i zaštite okoliša nije se kandidirao.

▪ **Prosječna realizacija Programa rada za cijeli mandat po ministarstvima**



Dijagram 15: Prosječna realizacije Programa rada po ministarstvima

Prateći Programme rada ministarstava od početka mandata pa do 01.09.2010. godine najbolji stupanj realizacije svih programom planiranih aktivnosti bilježe, ministar financija Semin Borić (SDA) sa prosječnom realizacijom od 63% i ministar unutarnjih poslova Zoran Krešić (HDZ 1990) koji je realizirao 76% planiranih aktivnosti.

Uz ministre prosvjete, znanosti, kulture i sporta Esada Dželilovića (SDA), koji je realizirao 60% svih programa, te, ministra za pitanja branitelja, Alberta Šunjića (HSP), koji je realizirao 51% planiranih aktivnost, to su jedina ministarstva koja su svoje Programme rada realizirala u procentu većem od 50%.

Najslabiju realizaciju planiranih aktivnosti bilježe ministar trgovine, turizma i zaštite okoliša Samir Sunagić (S BIH) sa ukupnom realizacijom svih planiranih aktivnosti u cijelom mandatu od 24%.

U zakonodavnoj sferi situacija je znatno gora - samo 3 ministarstva su realizirala svoje programske obaveze u obimu većem od 50%: Ministarstvo za pitanja branitelja 67%, Ministarstvo finansija 65% i Ministarstvo unutarnjih poslova 60%.

Čak 3 ministarstva za cijeli mandat nisu realizirala niti jedan programirani zakon. Riječ je o Ministarstvu zdravstva, rada i socijalne skrbi, Ministarstvu prometa i veza i Ministarstvu poljoprivrede, šumarstva i vodoprivrede.

ZAKLJUČCI

- Vlada HNK, odnosno najviše izvršno tijelo Hercegovačko – neretvanskog kantona ostvarila je poražavajuće rezultate tokom cijelog mandata
- Već godinama ustaljena praksa Vlade HNK je kašnjenje u kreiranju Proračuna HNK/Ž i vlastitog Programa rada.
- U cijelom mandatu Vlada HNK održala je 78 sjednica i razmatrala samo 1227 točaka dnevnog reda
- Nizak nivo realizacije planiranih aktivnosti. Samo 43% posto svih planiranih akata u cijelom mandatu realizacija je Vlade HNK.
- Loša realizacija planiranih zakona - tek 26% zakona planiranih u cijelom mandatu Vlada je realizirala dok je 74% zakona ostalo nerealizirano;
- Nepostojanje odgovornosti za loše rezultate i neispunjavanje planiranih aktivnosti